



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XI. De Victoria Christianorum ubi quinque millia Pruthenorum sunt
occisa.

urn:nbn:de:hbz:466:1-11850

CAP. XI.

De

*Victoria Christianorum ubi quinque
 millia Pruthenorum sunt occisa.*

QVO FACTO Frater Hermannus Magister & alii Fratres tempo-
 re Hyemali cum omnia essent gelu intensissimo indurata
 assumptis peregrinis prædictis, quorum desiderium accensum
 fuit ad reprimendam audaciam Pruthenorum, accesserunt ad
 territorium (a) Reyfen & occisis ibi & captis plurimis Homini-
 bus processerunt ad fluvium (b) Sirgune, ubi hoc quod diu op-
 taverant sunt experti. Invenerunt enim Pruthenorum ma-
 gnum exercitum congregatum in armis & paratum jam ad
 prælium, quos dum viriliter aggredierentur, conversi sunt in
 fugam. Sed Dux Pomeraniæ & Semborius frater ejus magis
 experti in bello Pruthenorum, vias circa indagines cum suis
 armigeris occupaverunt, ne quis posset evadere, & ex tunc per-
 cusserunt peccatores in ira sua. Ibi gladius militiæ Christianæ
 vibratus carnes infidelium devoravit, hinc lancea non casso per-
 lata est vulnere, quia Prutheni nec huc nec illuc poterant decli-
 nare à facie persequentis, & facta fuit magna strages in populo
 Pruthenorum, quia ceciderunt illo die ultra quinque millia inter-
 fecti. Hoc factio peregrini omnes cum gaudio ad propria sunt
 reversi, laudantes clementiam Salvatoris.

ANIMADVERSIONES.

(a) Resin habet Jeroschinus.

(b) Exonerat se in locum Drausen. Vide, quæ de eo diximus infra ad
 cap. 135.

CAP.